

馮京三元記

溫室三元記

馮京三
元記

古本戲曲叢刊初集

古本戲曲叢刊編刊委
員會景印長樂鄭氏藏
汲古閣刊本原書版高
二十公分寬十三公分

三元記目錄

卷上

第一齣

開宗

第二齣

祝壽

第三齣

博施

第四齣

毀券

第五齣

抵墓

第六齣

助納

第七齣

餞行

第八齣

託媒

第九齣

鬻女

第十齣

遣妾

第十一齣

歸妹

第十二齣

賞花

第十三齣

秉操

第十四齣

閩東

第十五齣

斷金

第十六齣

空歸

第十七齣

完壁

第十八齣

合歡

三元記目錄上

終

三元記上

第一齣 末上

西江月秋月春花似水流等閑白了少年頭玉津
金谷無陳跡漢寢唐陵失故圯對酒當歌須慷慨
逢場作樂任優游紅塵滾滾迷車馬且向樽前一
醉休 問答照常

良賈馮商賢妻金氏世居江夏奕葉門楣貲饒鉅
萬四十尚無兒金氏慮無承嗣勸夫娶妾貿易京

師尚義馮商賑貧拯難惻隱頻施勉從妻命載橐
驅馳抵寓托尋媒主議聘嬌姿適際張公折運償
官貨女得遂佳期淑女情哀馮商義重不忍相留
速遣歸原聘分毫不取慨付婚書更又逆旅還金
誣徒認馬陰德重皇天鑒之深荷蒼穹昭報賜產
佳兒年少三元高捷旌譽振鄉閭

第二齣

生上

滿庭芳花霧凝香柳煙分綠艷陽景物堪題鶯簧
調律燕剪香泥滿目韶光可愛怡情處詩酒琴棋

瑤堦下奇葩異卉何日產靈芝
鷓鴣天詩禮名家

慶澤豐衣冠燁燁振儒風
田疇漠漠阡連陌
倉廩陳陳朽貫紅
心感慨謾憑陵
幾回長睹仰蒼穹
承家未見寧馨嗣
耿耿常懷念慮中
自家姓馮名商
字民末湖廣江夏人也
叨承祖蔭頗蓄家貲
持已惟恭族黨盡恂恂
之禮濟人以德鄉閭
施薄薄之恩山妻金氏
家室攸宜蘋蘩可托
儀容雅淡儼然松柏之
姿德性貞堅確乎金石
之操今日乃是卑人初
度之辰昨日已蒙娘子

安排慶壽筵席想已完備同到長春亭上翫賞

一回却不是好娘子早到

掛真兒

旦上

小院人閑春晝永香篆裊簾控金鈎

睡起紗厨翠鬟整罷重獻長春壽酒浣溪沙水滿

池塘花滿枝亂紅深處轉黃鸝東風輕軟弄簾

幃日正長時春晝永燕交飛處柳烟迷花前正

好捧金卮員外萬福

生

娘子拜揖

旦

員外今日

春和景明正逢壽旦之日奴家聊具一杯壽酒

欲爲員外慶壽則個

生

多感娘子厚情

旦

春英

錦雲將酒過來

淨丑上

十二闌杆八寶粧祥雲

繚繞滿華堂金杯滿泛長生酒共祝南山壽算

長酒在此

旦

將酒過來

錦堂月南極星光東風扇煖華堂瑞靄龍璫香薦
蟠桃雲外八仙齊捧碧霞中鸞鶴翱翔寶鼎內沉

檀簇擁

合

金杯奉願海屋添籌福祿攸崇

前腔

生

恭承令德雍容情懷繾綣閨門伉儷恩濃

琴瑟調和春滿玉臺金鏡未須期東海南山願早

賜祥麟瑞鳳

合前

前腔

淨

簾櫳佳氣沖沖花嬌柳媚鸞箏象板和鳴

三祝華嵩願取百年重慶酬酢處鸚鵡杯傳談笑

裏綺羅香擁

合前

前腔

丑

重重綠醴黃封珠圍翠繞當筵笑語喧問

地久天長願祝百年相共只求他玉產崑岡惟願

取珠生老蚌

合前

醉翁子

生

思省嘆蹤跡似飄萍斷梗況佳會難逢

勝遊當重須聽嘆金谷梁園多少繁華一夢中

合

相祝誦願偕老夫妻百歲和同

前腔

旦

佳景勝洞天仙境總丹青圖畫未可形容

酩酊且對景開懷莫管城頭扣暮鐘

合前

僥僥令

淨

霞觴光泛銀燭影搖紅趙舞燕歌齊簇

擁直飲到月兒高花影重

前腔

丑

春風翻舞袖白雪調歌聲十二金釵頻頻

勸一任醉扶歸錦帳中

尾聲

合

盤桓且盡今宵興兔走烏飛不暫停莫待

華髮蕭蕭兩鬢生

歡娛休問夜如何

此樂人生有幾多

遇飲酒時須飲酒

得高歌處且高歌

第三齣

生上

滿庭芳奕世箕裘江夏昭昭華裔白晝無私青春
門第蕩漾遊絲飛絮喜閨中琴瑟相宜奈膝下蕭
條丹桂鷓鴣天重義輕財大丈夫蕭然子嗣待如
何書香一脉無人繼不孝三般是我多閑議論
嘆蹉跎無情日月競如梭榮枯得失皆由命萬
事從天安分過念馮商托賴天地安居樂業優
游歲月年登四十尚無子息承祧所慮者上年

淫雨連綿今歲狂風拔木百姓流離悲聲遍野
值此大雪連朝豈無飢寒之輩卑人幸得囊有
餘資廩有餘粟將欲賑濟一番院子何在

未上

萬里彤雲大雪紛村南村北閉柴門長途多少
飢寒者此際悲嚎不可聞覆員外有何分付

生

江南三尺雪盡道一年豐

未

人道豐年瑞豐年

瑞若何長安有貧者宜瑞不宜多

生

院子我見

連日大雪紛紛當此之時豈無飢寒之士先賢
有云惻隱之心人皆有之我欲賑濟鄉民你去